

## 瑜伽師地論 卷 53

〈攝決擇分〉中五識身相應地意地之三

### 表業三種

#### 〔一〕辨業相

復次，云何表業？調略有三種：一、染污，二、善，三、無記。  
若於身語意十不善業道，不離現行增上力故，所有身、語表業，名染污表業。

若即於彼誓受遠離，所有身語表業，名善表業。

若「諸威儀路、工巧處」一分所有身語表業，名無記表業。

若有不欲表示於他，唯自起心內意思擇，不說語言，但發善、染污、無記法現行意表業，名意表業。

#### 〔二〕明假實

此中唯有身[於]餘處滅於餘處生，或即此處唯變異生，名身表業。

唯有語音，名語表業。

唯有發起心造作思，名意表業。

何以故？由一切行皆剎那故，從其餘方徙至餘方，不應道理。

又離唯諸行，生餘實作用，由眼、耳、意，皆不可得。

是故當知一切表業皆是假有。

## 瑜伽師地論卷一

◎表色者，謂取、捨、屈、伸、行、住、坐、臥。如是等色

表色者，謂即此積集色，生滅相續，由變異因，◎於先生處不復重生，轉於異處，或無間、或有間、或近、或遠差別生；◎或即於此處變異生，是名表色。

又顯色者，謂光、明等差別。形色者，謂長、短等積集差別。表色者，謂業用一思業一爲依・轉動差別。

### 《大毘婆沙論》卷三 etc

(2) **有說**：「色處有二十一，謂前二十及空一顯色。」

※如是諸色或有顯故可知，非形故，謂青、黃、赤、白、影、光、明、闇及空一顯色；或有形故可知，非顯故，謂身表業；或有顯、形故可知，謂餘十二種色。若非顯、形故可知者，無也。

	有顯故可知，非形故	有形故可知，非顯故	有顯、形故可知	非顯、形故可知
1. 色處有二十種	青、黃、赤、 白、影、光、 明、闇	身 <u>表業</u>	餘十二種 色	無
2. 色處有二十一種	青、黃、赤、 白、影、光、 明、闇及空 一顯色	身 <u>表業</u>	餘十二種 色	無

2、【發智論】復次，諸身、語業受異熟色、心心所法、心不相應行。  
此身、語業與彼異熟為異熟因。(96b22)

問：隨心轉身、語業[和]心一果故，如前已說。此中復言身、語

業者，說何法耶？

答：

(1) 善、不善表及依表業所生無表不隨心轉身、語二業，此定能招異熟果故。

(2) **有說**：「此中說身、語表及此剎那所生無表。同一果故。」

**評曰**：彼說非理！身、語表業與彼俱生身、語無表非同一界，彼不互為俱有因故。

(3) **有說**：「表業與依表生身、語無表雖非一果，而定俱時受異熟果，一心起故。」

**評曰**：彼說非理！展轉相望非俱有因，如何定說同一剎那受異熟果？然表、無表展轉不為俱有因故，異熟果別，於表業中七支等<sup>1</sup>異，一一各別招異熟果，一一支等有多極微，一一極微有三世別，於一一世有多剎那，一一剎那異熟果別，非俱有因故。無表業亦爾。前隨心轉七支無表<sup>2</sup>能展轉為俱有因故，同異熟果。此中所說表、無表業，則亦攝彼隨轉生等，同一果故，所受異熟如前應知。

3、【發智論】復次，諸心不相應行受異熟色、心心所法、心不相應行；此心不相應行與彼異熟為異熟因。是謂異熟因。  
(96c12)

問：諸心、心所[之]表、無表業[及]隨轉生等，如前已說，同一果故。今復說何不相應行？

答：今說無想定、滅盡定一切不善、善有漏「得」及彼隨轉生等

<sup>1</sup> 「七支」即殺生、偷盜、淫（在家者為邪淫）、兩舌、妄語、綺語。

<sup>2</sup> 「隨心轉七支無表」即從道俱戒及定俱戒所生而能制身、語的七種惡行之律儀力。

諸相，前未說故。

問：業法集智力、死生智力，俱可緣業，有何差別？

答：從因入果，是業法集智力；從果入因，是死生智力。如因、果，如是細、麤，不現見、現見，遠、近，亦爾。

問：無表業云何知？

答：從果入因，從麤入細，從現見入不現見，從近入遠，如是知。

### 《大毘婆沙論》卷三

6、法處有七種，謂前四蘊及三無為；於色蘊中取無表色。三無為者，謂虛空、擇滅、非擇滅。(65a9)

(3) **有說**：「表業與依表生身、語無表雖非一果，而定俱時受異熟果，一心起故。」

**[評曰]**：彼說非理！展轉相望非俱有因，如何定說同一剎那受異熟果？然表、無表展轉不為俱有因故，異熟果別，於表業中七支等<sup>3</sup>異，一一各別招異熟果，一一支等有多極微，一一極微有三世別，於一一世有多剎那，一一剎那異熟果別，非俱有因故。無表業亦爾。前隨心轉七支無表<sup>4</sup>能展轉為俱有因故，同異熟果。此中所說表、無表業，則亦攝彼

<sup>3</sup> 「七支」即殺生、偷盜、淫（在家者為邪淫）、兩舌、妄語、綺語。

<sup>4</sup> 「隨心轉七支無表」即從道俱戒及定俱戒所生而能制身、語的七種惡行之律儀力。

隨轉生等，同一果故，所受異熟如前應知。

**尊者設摩達多**說曰：「一剎那頃有十二支，如起貪心害眾生命，此相應癡是無明，此相應思是行，此相應心是識，起有表業必有俱時名色，諸根共相伴助即是名色及與六處，此相應觸是觸，此相應受是受，貪即是愛，即此相應諸纏是取，所起身語二業是有，如是諸法起即是生，熟變是老，滅壞是死，瞋癡心殺有十一支無愛支故。」

(**評曰**)雖有此理，而此中說時分緣起，依十二位立十二支，一一支中各具五蘊，非剎那頃有十二支。

然《識身論》<sup>5</sup>復作是說：「於可愛境由無知故起貪著時，此中無知是無明，有貪著者是行，了別境者是識，識俱諸蘊是名色，名色所依諸根是六處，六處和合是觸，能領觸者是受，欣所受者是愛，愛增廣是取，引後有業是有，諸蘊起是生，諸蘊熟變是老，諸蘊滅壞是死，內熱是愁，哀泣是悲，五識相應不平等受是苦，意識相應不平等受是憂，心焦是惱，乃至廣說。」

§5.1 就十善業道之根本、加行、後起

今應顯示十善業道，根本、加行、後起三種差別，謂：離十不善業道根本，即十善業道根本；離不善業道加行、後起，即善業道加行、後起。此復云何？猶如勤策受具戒時，先整衣服入受戒場，頂禮僧足求親教師，受持衣鉢往問遮處，來至眾中，重問遮難，白一羯磨乃至第三羯磨未竟，是名善業道加行；若至第三羯磨究竟，爾時表業及此剎那無表，是名善業道根本；從是以後為說四依<sup>6</sup>、四重<sup>7</sup>等事，是名善業道後起。

<sup>5</sup> 《毘曇部四》90~91頁。

<sup>6</sup> 《國譯》註：四依是所行依 1. 糞掃衣、2. 常乞食、3. 樹下坐、4. 腐爛藥等四法之意。〈毘曇部〉(十二) p.339

§5.2 就七根本善業道之七義

此中根本七善業道，若表及此剎那無表，各具七義：一、尸羅；二、妙行；三、律儀；四、別解脫；五、別解脫律儀；六、業；七、業道；從此已後諸無表業各唯有五義，謂：除別解脫及業道，已得究竟解脫諸惡非最初故，亦唯於思（586a）究竟時名業道故。

§5.3 就幾善業道俱生思究竟轉

問：由幾善業道俱生思究竟轉？

答：▲於受八戒及五戒時，若住五識善心，由六善業<sup>8</sup>道俱生思究竟轉；若住意識善心，由七善業<sup>9</sup>道俱生思究竟轉；若住染污心，或無記心，由四善業道俱生思究竟轉。

▲受十戒時亦爾。

▲受具戒時，若住五識善心，由九善業<sup>10</sup>道俱生思究竟轉；若住意識善心，由十或九善業道俱生思究竟轉；若住染污心，或無記心，或無心時，由七善業道俱生思究竟轉。

▲受非律儀非不律儀時，身、語七善業道，隨所要期多少不定；意三善業道，或有，或無，或多，或少。

諸律儀與隨轉之關係

1、若有以下品心起有表業受諸律儀，盡眾同分彼諸律儀下品隨轉。雖於後時勵力發起身語意攝惡行、妙行，然彼律儀常下品轉更不增長。(607b28)

<sup>7</sup> 《國譯》註：即四波羅夷。〈毘曇部〉(十二) p.339

<sup>8</sup> 《國譯》註：即身三、語一（離虛誑語）、意二（無貪、無嗔）。〈毘曇部〉(十二) p.340

<sup>9</sup> 《國譯》註：即六善業加“正見”。〈毘曇部〉(十二) p.340

<sup>10</sup> 《國譯》註：即身三、語四、意二（無貪、無嗔）。〈毘曇部〉(十二) p.340

2、若有以中品心起有表業受諸律儀，盡眾同分彼諸律儀中品隨轉。雖於後時勵力發起 1、身語意攝惡行、妙行，然彼律儀常中品轉不增不減。

3、若有以上品心起有表業受諸律儀，盡眾同分彼諸律儀上品隨轉。雖於後時勵力發起身語意攝惡行、妙行，然彼律儀常上品轉更不損減。

**故如是問**：頗有新學苾芻成就上品律儀，而阿羅漢成就下品律儀耶？

答：有，謂有新學苾芻以上品心起有表業受諸律儀；有阿羅漢以下品心起有表業受諸律儀。如是新學苾芻成就上品律儀而阿羅漢成就下品律儀。

**斷生命等隨別漸得，不律儀業普頓得**

若有最初以下品纏斷眾生命，於此眾生得下品斷生命所攝及不律儀所攝表、無表業。於餘一切有情身上唯得下品不律儀所攝無表業。

(607c15)

若彼後時隨以下中上品纏斷眾生命，於此眾生唯得下中上品斷生命所攝表、無表業，更不得不律儀所攝表、無表業，先已得故。

如是最初以中品纏、以上品纏，廣說亦爾。斷生命等，隨別漸得，不律儀業普頓得故。

問：如屠羊者不欲殺餘眾生，何故此人普於一切有情所得不律儀耶？

答：1、雖於羊處起不律儀，然諸有情一切皆有羊蘊界處。

2、又，彼惡心境界寬遍故，於一切得不律儀。無有是處為分別故，設諸有情皆作羊像來住前者，於彼一切皆起惡心，皆欲殺害。是故於一切有情所得不律儀。

**【發智論】**頗有如身業感異熟果，語業、意業不爾耶？答：有。如身不護，語護，彼於爾時有善心或無記心。

謂：於今時起不善身表業，由此發起無表業隨轉；及於今時或先時起善語表業，由此發起無表業隨轉；即於爾時善心現起或無記心。

此中，身業感非愛異熟；語業感愛異熟；意業若善心起感愛異熟，若無記心起不感愛、非愛異熟。

**【發智論】**又，如身護，語不護，彼於爾時有不善心或無記心。(614a29)

謂：於今時起善身表業，由此發起無表業隨轉；及於今時或由先時起不善語表業，由此發起無表業隨轉；即於爾時不善心現起或無記心。

此中，身業感愛異熟；語業感非愛異熟；意業若不善心起感非愛異熟，若無記心起不感愛、非愛異熟。

是名如身業感異熟果，語業、意業不爾。

**【發智論】**頗有如語業感異熟果，身業、意業不爾耶？

答：有。如身護，語不護，彼於爾時有善心或無記心。

謂：於今時或由先時起善身表業，由此發起無表業隨轉；及於今時起不善語表業，由此發起無表業隨轉；即於爾時善心現起或無記心。

此中，身業感愛異熟；語業感非愛異熟；意業若善心起感愛異熟，若無記心起不感愛、非愛異熟。

**【發智論】**如身不護，語護，彼於爾時起不善心或無記心。

謂：於今時或由先時起不善身表業，由此發起無表業隨轉；及於今時起善語表業，由此發起無表業隨轉；即於爾時起不善心或無記心。

此中，身業感非愛異熟；語業感愛異熟；意業若不善心起感非愛異熟，若無記心起不感愛非愛異熟。

是名如語業感異熟果，身業、意業不爾。

一、加行殺母及餘女人之罪與表業關係

問：如以一加行俱時殺母及餘女人，彼於母得殺生及無間無表罪，於餘女人唯得殺生無表罪，而此表業為但得一？為得二耶？

有作是說：「但得一表。所以者何？以一加行俱時而殺無差別故。」

尊者妙音說曰：「彼得二表。所以者何？此身表業極微所成，害母及餘極微各異。如無表得二，表亦應爾。」

一、加行殺多眾生得表業多少

問：如以一加行殺多眾生，隨爾所眾生得爾所無表罪，而此表業為但得一為得多耶？

1、有說：「得一。所以者何？以一加行俱時而殺無差別故。」

2、尊者妙音說曰：「彼得多表。廣說如前。」

殺壽應盡人等得不得殺罪

問：殺壽應盡者，得殺罪不？

答：若此剎那壽應盡，即爾時加害者不得殺罪。

若由加害乃至令彼一剎那壽住不生法，皆得殺罪，況多剎那！

問：殺斷末摩者，得殺罪不？(617c5)

答：若此剎那正應捨命，即爾時加害者不得殺罪。

若由加害乃至令彼一剎那命住不生法，皆得殺罪，況多剎那！

問：若有害他令定當死，便自害命得殺罪不？

答：不得。所以者何？以彼果未究竟便自失命，無後眾同分可成就彼罪故。

問：若戰鬥時互相加害，俱時死者各得殺罪不？

答：不得。所以者何？以二皆悉果未究竟便俱失命，無後眾同分可成就彼罪故。

問：若為王等逼令行殺，得殺罪不？

1、有說：「不得。所以者何？他力所制，非彼意樂故。」

2、如是說者：「亦得殺罪。除自要心寧捨己命終不害他，如是則無罪。」

問：若依先王所制法，令刑罰有過得殺罪不？

答：得王及法司，若遣他殺得殺生無表罪；彼所遣人及若自殺俱得殺生表、無表罪。

#### 眾多有情謀害一命得何罪

若眾多有情謀害一命，彼起加行親斷命者，得殺生攝表、無表罪；餘同謀及作聲援者，但得殺生無表。(617c23)

若彼多人等設加行斷彼一命，當知皆得表、無表罪。

#### 非身作、不發語得殺生、虛誑語罪

頗有非身作，而得殺生罪耶？

答：有，謂語遣殺。

頗有不發語，而得虛誑語罪耶？

答：有，謂身表。

頗有非身作、不發語，而得二罪耶？

答：有，謂仙人意憤及布灑他時默然表淨。

**唯害生母得無間罪**

問：如有女人羯刺藍墮，有餘女人收置身中，後所生子以誰為母？殺害何者得無間罪？

答：前為生母，後為養母。唯害生母得無間罪，以羯刺藍依前生故。

諸所作事應諮養母，於非母作母想害，及於母作非母想害，俱不得無間罪。

要於母作母想害，方得無間罪。

於父及餘應知亦爾。

**害諸有學等不得無間罪**

問：如害阿羅漢得無間罪，害諸有學亦得是罪耶？

答：不得。所以者何？前說無間由二緣得：一、背恩養。二、壞德田。

害諸有學非壞德田，以彼有功德亦有過失，有妙行亦有惡行，有善根亦有不善根故。

問：退失阿羅漢果者，害之得無間耶？

答：不得，還是有學故，如前說。

問：此於最後命將斷時，必住無學。云何不得無間耶？

答：於無學身無惡心故，謂彼但於學者身中起殺意及加行，非於無學。由無無間因故，不得無間罪。

## 第五節 關於二種防護(621a5)

**證見法性得防護**

**【發智論】**頗有故思害生命後，不受遠離而於一切有情得防護耶？

答：有，如起殺加行中間證見法性。

此顯不因受諸學處，但由入正性離生時得不作律儀，名為防護。其事云

何？

- 1、掣迦契經是此論根本：昔有釋種名掣迦，先是世尊祖父，僮僕因事逃叛住雪山所，產育男女各數十人。姻親強盛舍宅嚴好，雖倉庫盈溢而以畋獵為事。曾於一時，少壯丈夫皆出遊獵。
- 2、時薄伽梵欲往天宮為報母恩安居說法，先以佛眼遍觀世間，勿有眾生佛應親度，由不見佛失獲益。時尋見掣迦及諸眷屬，善根已熟見諦時至。爾時世尊為度彼故，從住處沒現彼門前。
- 3、老父遙見則知是佛，歡喜迎逆恭敬作禮白言：「聖子！今是何日降至我家。善逝法王！今是何日得垂顧念」。即命掃灑敷飾淨座燒香散花，請佛世尊入家就座。時彼老父率諸女人稽首佛足，合掌恭敬取家所有乾濕淨肉調和香味以奉世尊。爾時世尊告言：「止！止！諸佛如來不食血肉」。時彼老父及諸女人，承命慚恥却坐一面。  
有說：「佛於是日虛中而過。」  
有說：「取北洲食以濟中時。」
- 4、佛應彼機為說法要，合家大小同證離生，得預流果生淨法眼，深心歡喜瞻仰世尊，佛顧餘機重為說法。(621b1)
- 5、時諸少年收捕禽鹿，恣行殺害更設機穽擔肉而歸，至諸婦<sup>11</sup>人常所迎處。忽於是日特怪不來，咸作是思：勿有他故。登高<sup>12</sup>覘望遙見家中，有非常人威光赫奕如鑄金臺，父及女人前後圍遶。便生忿恚共相謂言：「此等不迎，必由彼制」。恚怒既深不遑釋擔，持刀直進規欲害佛。父叱之言：「汝等止！止！此是聖子善逝法王，來度我等，宜各慶幸，勿起惡心」。諸子既聞咸生悔愧，棄刀釋擔稽首求哀，恭敬合掌却坐一面。
- 6、佛應彼機為說法要，諸子聞已亦證離生得預流果生淨法眼，深心歡喜瞻仰世尊。時林野中無量蟲鹿，衝諸機穽死傷非一，由聖道力，令諸

<sup>11</sup>人=女【宋】【元】【明】【宮】

<sup>12</sup>規=現【宋】【元】【宮】

子等殺生業道無表不生。

問：殺何等生於加行位可入聖道？

1、有作是說：「殺傍生等但非殺人。」

2、有作是說：「亦通殺人，唯除已起無間加行。」

故作是說：如起殺加行中間證見法性。

#### 四律儀幾隨心轉

問：此四律儀幾隨心轉？幾不隨心轉？(622b21)

答：三隨心轉，一不隨心轉：謂別解脫律儀。

問：何故別解脫律儀不隨心轉？

答：1、別解脫律儀麤而重，隨心轉律儀細而輕故。

2、有說：「別解脫律儀為惡戒所損伏，  
隨心轉律儀不為惡戒所損伏故。」

3、有說：「別解脫律儀為惡意樂及害意樂所損伏，  
隨心轉律儀不為彼所損伏故。」

4、有說：「別解脫律儀勢用蹇鈍行不及心，  
隨心轉律儀勢用捷利行及心故。」

5、有說：「別解脫律儀依表，  
隨心轉律儀依無表故。」(622c3)

6、有說：「別解脫律儀是表果，  
隨心轉律儀是無表果故。」

7、有說：「別解脫律儀依表是表果，  
隨心轉律儀依心是心果故。」

8、有說：「別解脫律儀依部眾人和合受得，  
隨心轉律儀但依法得故。」

### 律儀之各說

然諸律儀應說有一，如說：戒蘊<sup>13</sup>、戒修、戒學；(624a26)

或應說二謂：表、無表；

或應說三謂：下、中、上，或從無貪、無瞋、無癡所生差別；

或應說四謂：身、語業各有表、無表；

或應說六謂：表、無表各有下中上，或三根所生；

或應說七謂：離斷生命乃至離雜穢語；

或應說九謂：從下下乃至上上；

或應說十二謂：身、語表無表各有三品或三根生；

或應說十四謂：離斷生命乃至離雜穢語各有表、無表；

或應說十八謂：表、無表各有九品；

或應說二十一謂：離斷生命乃至離雜穢語，皆有三品或三根生；

或應說四十二謂：離斷生命乃至離雜穢語各有表、無表，皆從三品或三根生；

若以相續刹那分別，則有無量律儀

### 色中，唯無表色立覺分之理由

問：何故一切色等法中，唯無表色有立覺分，非餘法耶？

答：正語、業、命隨順聖道，勢用偏增故立覺分，餘法不爾，是故不立。

## §2. 第八節 特就十不善道 (583b)

### §2.1 就十不善業道之根本、加行、後起

<sup>13</sup> 《國譯一切經》毘曇部 13p.2514(14)：戒蘊：學、無學的戒及一切善的非學非無學的戒。

今當顯示十不善業道，根本、加行、後起三種差別：

(一) 彼斷生命三種者，謂：

- ①若屠羊者，彼先詣羊所，若買、若牽、若縛、若打，乃至命未斷，爾時所有不善身、語業，是斷生命加行；
- ②若以殺心正斷他命，爾時所有不善身表，及此剎那無表，是斷生命根本；
- ③從是以後即於是處，所有剝皮、斷截支<sup>14</sup>肉，或賣或食，所起不善身語表、無表業，是斷生命後起。

(二) 不與取三種者，謂：

- ①初起盜心往彼彼處，圖謀伺察，攻牆斷結，取他財寶，乃至舉物未離本處，爾時所有不善身語業，是不與取加行；
- ②若以盜心正取他物舉離本處，爾時所有不善身表，及此剎那無表，是不與取根本；
- ③從是以後或物主覺乃至相繫相害，則以殺生加行，為偷盜後起；若主不覺分張受用，爾時所起不善身語表無表業，是不與取後起。

(三) 欲邪行三種者，謂：

- ①以欲火所燒逼故，若信、若書、若飲食、財寶以表愛相，彼或摩或觸乃至未（583c）和合前，所有不善身、語業，是欲邪行加行；
- ②若於爾時彼此和合所起不善身表，及此剎那無表是欲邪行根本；  
▲此中有說：「纔和合時即成業道。」  
▲有說：「暢熱惱時方成業道。」
- ③從是以後即依此事所有不善身、語【之】表、無表業，是欲邪

<sup>14</sup> 元、明本作「肢」。

行後起。

(四) 虛誑語三種者，謂：

- ①以財利名譽等故，對一有情或大眾會，矯為明證，覆想而說，乃至未發所攝受虛誑語言，爾時所有不善身、語業，是虛誑語加行；
- ②若正發所攝受虛誑語言，爾時所有不善語表，及此剎那無表，是虛誑語根本；③從是以後即依此事所起不善身、語【之】表、無表業，是虛誑語後起。

(五) 離間語三種者，謂：

- ①以財利名譽等故，種種方便於他親友破壞離間，乃至未發正破壞言，爾時所有不善身、語業，是離間語加行；
  - ②若以壞意正發壞言，爾時所有不善語表及此剎那無表，是離間語根本；
  - ③從是以後即依此事所起不善身、語【之】表、無表業，是離間語後起；
- ▲此中有說：「若離間語令他沮壞方成業道。」若爾者，破壞聖人應非業道，然離間語壞聖者重，如是說者，但起壞心作離間語，若壞、不壞皆成業道。

(六) 麤惡語三種者，謂：

- ①彼本性多瞋恚故，將出語時先現憤發，身掉色變怒目叱吒，住彼人所乃至未發正毀辱言，爾時所有不善身語業，是麤惡語加行；
- ②若至其所發毀辱言，爾時所有不善語表，及此剎那無表，是麤惡語根本；
- ③從是以後即依此事所起不善身、語【之】表、無表業，是麤惡語後起；

▲此中有說：「令彼瞋惱方成業道。」若爾者，罵離（584a）欲者應非業道，然麤惡語罵離欲者重，如是說者，但懷憤恚發麤惡言，若惱、不惱悉成業道。

（七）雜穢語三種者，謂：

- ①以財利、恭敬、名譽及戲樂故，樂作種種非義、非時不應法語，或俳優者，欲作愚者歡笑語時，指顧跳躍作諸言笑，乃至未發彼根本語，爾時所有不善身語業，是雜穢語加行；
- ②若正發起諸無義說、雜戲語時所有不善語表，及此剎那無表，是雜穢語根本；③從是以後即依此事所起不善身、語【之】表、無表業，是雜穢語後起。

其餘：

（八）a.貪欲、（九）瞋恚、（十）邪見，意三業道起即根本，非有加行、後起差別。

b.有說：「（意三）亦有加行、後起，謂：不善思。」

#### §2.2 特就前七不善業道之五義

此中根本七不善業道諸有表業及此剎那諸無表業，各具五義：一、惡行；二、犯戒；三、不律儀；四、業；五、業道；從是已後諸無表業，各唯有四義，謂：除業道；唯於思究竟時名業道故。

#### §2.3 就俱生思究竟轉的不善業道之數

問：由幾不善業道俱生思究竟轉？

答：1. 於身業自性三不善業道中，

（1）或時由一思究竟轉，謂：身三業一一而起。

（2）或時由二思究竟轉，謂：如有一盜他羊等，有是希望即於盜時亦斷其命，或自行欲邪行，遣使作殺、盜隨一，以欲邪行

唯自所究竟故，若有如是種類法生，一剎那頃，由二不善業道俱生思究竟轉。

- (3) 或時由三思究竟轉，謂：如有一先遣二，使殺生、偷盜，自行欲邪行，若有如是種種法生，一剎那頃三皆究竟，爾時三不善業道俱生思究竟轉，猶如群賊相期一處劫掠他時，於剎那頃有牽彼車，有斷彼命，有姪彼（584b）婦，當知爾時彼諸盜者，有由三不善業道俱生思究竟轉。

## 2. 於語業自性四不善業道中，

- (1) 或時由一思究竟轉，謂：語四業一一而起。

**有說**：「一者唯雜穢語。」

- (2) 或時由二思究竟轉，謂：作虛誑語，非時故有雜穢語，或作離間語，非時故有雜穢語，或作麤惡語，非時故有雜穢語。

- (3) 或時由三思究竟轉，謂：作虛誑語、離間語非時故有雜穢語，或作虛誑語、麤惡語非時故有雜穢語，或作離間語、麤惡語非時故有雜穢語。

- (4) 或時由四思究竟轉，謂：作虛誑語、離間語、麤惡語非時故有雜穢語。

▲若總論之，或時由五思究竟轉，或乃至由八思究竟轉，謂：遣六使作六業道，自行欲邪行；若有如是種類法生，一剎那頃七皆究竟，及意三業道隨一現前，如是八種業道俱生思究竟轉；當知意三各別現起思究竟轉，無俱生義，無二心故，無遣他故，由此不說或九或十俱生之義

生無色界故不成就身。

【發智論】三、有成就身，亦身業謂：1、諸聖者住胎臟中，2、若生欲界住律儀，3、若住不律儀。4、若住非律儀非不律儀現有身表，5、或先有不失。6、若生色界。

此中，聖者住胎臟中時亦未能起表，但成就靜慮、無漏無表。

若生欲界住律儀者謂：於三種律儀，或一或二或具而住，即別解脫、靜慮、無漏。

住不律儀者：謂屠羊等。

住非律儀非不律儀現有身表者：謂不眠、不醉、不悶、不捨加行，求起表業。

或先有不失者：謂三緣故先所起表不失：一、意樂不息故。二、不捨加行故。三、限勢未過故。此說由慳重信或猛利纏起表、無表乃至未捨。

若生色界者彼決定成就身無表業，或亦成就身表。

【發智論】四、有非成就身亦非身業：謂諸異生生無色界。

彼無色故不成就身；異生故不成就身業，有漏者度界、地已捨故，無漏者未得故。

問：何故有漏色業度界、地捨，非無漏耶？

答：1、有漏色業被縛有繫，無漏色業解脫離繫故。

2、有說：「有漏色業墮界、墮地，無漏墮地而不墮界故。」

3、有說：「有漏色業同類大種造，能造、所造俱有漏故。無漏色業異類大種造，大種有漏，業無漏故。」

由此因緣度界、地時：有漏業捨，無漏不捨。